

ZAPISNIK

sa **dvadesetdruge** vanredne sjednice Upravnog odbora Univerziteta u Tuzli održane u **srijedu 11.01.2023.** godine, sa početkom u **14,00 sati** u Sali za sjednice Rektorata Univerziteta u Tuzli

Na dvadesetdrujoj vanrednoj sjednici prisustvovali su predsjednik Upravnog odbora dr. sci. Semir Ahmetbegović, vanr. prof., te članovi: Omer Beširović, Suad Hasanović, dr. sci. Kenan Mandžić, red. prof, dr. sci. Franc Andrejaš, vanr.prof., dr. sci. Anita Petrović, vanr. prof. i Emina Duranović, student. Sjednici nisu prisustvovali, Amela Dedić i Adela Šaldić.

Osim članova Upravnog odbora sjednici je prisustvovao, Prorektor za nastavu i studentska pitanja, dr. sci. Jasmin Suljagić, vanr. prof., kao zamjenik Rektorice Univerziteta po punomoći, zbog njene odsutnosti, te Generalni sekretar Jasmina Berbić. dipl. pravnik.

Sjednici je prisustvovao i Ahmo Muhić, dipl. pravnik, sekretar Upravnog odbora.

Predsjednik Upravnog odbora je konstatovao da su ispunjeni uslovi za rad i odlučivanje na sjednici u skladu sa Poslovníkom o radu Upravnog odbora, te je otvorio dvadesetdruju vanrednu sjednicu Upravnog odbora.

Dao je na usvajanje predloženi dnevni red.

Kako nije bilo prijedloga za izmjene i dopune dnevnog reda, za ovu sjednicu, jednoglasno je usvojen sljedeći

DNEVNI RED:

1. Usvajanje Zapisnika sa 15, 16 i 17. redovne, te 10,11,12,13,14,15,16,17,18,19,20. i 21. vanredne sjednice Upravnog odbora Univerziteta u Tuzli
2. Razmatranje Okvirnog sporazuma o akademskoj, naučnoj i poslovno-tehničkoj saradnji između UKC Tuzla i Univerziteta u Tuzli
3. Utvrđivanje prijedloga Odluke o izmjeni i dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine
4. Razmatranje Zahtjeva Generalnog sekretara Univerziteta za pristup informacija broj:04-7275-1 od 28.12.2022. godine.

Rad na sjednici:

TAČKA 1.

Usvajanje Zapisnika sa 15, 16 i 17. redovne, te 10,11,12,13,14,15,16,17,18,19,20. i 21. vanredne sjednice Upravnog odbora Univerziteta u Tuzli

Izjavitelj po ovoj tački dnevnog reda, Sekretar Upravnog odbora Ahmo Muhić, dipl. pravnik obrazložio je razloge i objektivne okolnosti zbog kojih se na današnjoj sjednici usvaja veliki broj zapisnika. Naglasio je da je bio zakazan veliki broj sjednica u kratkom vremenu što je stvaralo potrebu izrade svih odluka i zaključaka i drugih akata, pa tek nakon toga sravnjenje i pripremu zapisnika sa sjednica. Član Upravnog odbora, Omer Beširović je istakao da u zapisniku sa 17. redovne sjednice od 28.12.2022. godine nije navedeno da je opravdao svoje odsustvo zbog službenih obaveza u vezi sa poslom za koji ima ugovor o radu, o čemu je uredno obavijestio Predsjednika Upravnog odbora. Predsjednik je potvrdio obavijest o opravdanju odsustva nakon čega je Upravni odbor jednoglasno usvojio primjedbu i odredio da se u zapisnik sa 17. redovne sjednice od 28.12.2022. godine, u dijelu evidencije o prisustvu sjednici, iza imena Omer Beširović, doda tekst: „koji je izostanak opravdao“.

Član Upravnog odbora prof. dr. sc. Franc Andrejaš je istakao primjedbu da u zapisniku sa 18. vanredne sjednice od 24.11.2022. godine nije navedeno da je opravdao svoje odsustvo zbog bolovanja, o čemu je uredno obavijestio Predsjednika Upravnog odbora. Predsjednik je potvrdio obavijest o opravdanju odsustva nakon čega je Upravni odbor jednoglasno usvojio primjedbu i odredio da se u zapisnik sa 18. vanredne sjednice od 24.11.2022. godine, u dijelu evidencije o prisustvu sjednici, iza imena dr. sci. Franc Andrejaš, vanr. prof. doda tekst: „koji je izostanak opravdao (bolovanje)“

U toku diskusije konstatovano je da su u zapisnicima uočene određene tehničke greške u pisanju, pa je

Upravni odbor zadužio Predsjednika i Sekretara Upravnog odbora da zajedno otklone i usaglase ispravku tehničkih grešaka u zapisnicima prije njihovog potpisivanja. Zapisnici sa 15 i 16 redovne te, 10,11,12,13,14,15,16,17. i 18. vanredne sjednice, uz jedan suzdržani glas, usvojeni su većinom glasova od ukupnog broja članova Upravnog odbora. Zapisnici sa 17 redove, te 19,20. i 21. sjednice usvojeni su jednoglasno.

TAČKA 2.

Razmatranje Okvirnog sporazuma o akademskoj, naučnoj i poslovno-tehničkoj saradnji između UKC Tuzla i Univerziteta u Tuzli

Predsjednik Upravnog odbora prof. dr. sc. Semir Ahmetbegović je dao uvodne napomene o sadržaju Mišljenja Ministarstva na predloženi tekst Okvirnog sporazuma. Posebno se osvrnuo na dio mišljenja koji se odnosi na član 5. Predloženog teksta Sporazuma. U toku diskusije je istaknuto da je u uvodu teksta Sporazuma pogrešan poziv na odredbu člana 24. stav (4) Zakona o visokom obrazovanju – prečišćeni tekst („Službene novine TK“, br. 21/21, 5/22, 11/22 i 16/22), te da bi umjesto iste trebalo ugraditi odredbu člana 25. stav (4) Zakona.

Nakon što je razmotrio tekst prijedloga Okvirnog sporazuma i Mišljenje Ministarstva obrazovanja i nauke TK broj: D-10/1-11-033509-22 od 30.12.2022.godine, Upravni odbor je jednoglasno dao

S A G L A S N O S T

Daje se saglasnost Rektorici Univerziteta u Tuzli za potpisivanje Okvirnog sporazuma o akademskoj, naučnoj i poslovno-tehničkoj saradnji između Javne zdravstvene ustanove Univerzitetski klinički centar Tuzla i Javne ustanove Univerzitet u Tuzli za akademsku 2022/23. godinu.

Upravni odbor je uputio da će se uz primjerak Saglasnosti Rektorici Univerziteta dostaviti i predmetno mišljenje Ministarstva obrazovanja i nauke.

TAČKA 3.

Utvrđivanje prijedloga Odluke o izmjeni i dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Generalni sekretar Univerziteta je obrazložila nacrt prijedloga Odluke pripremljen u skladu sa mišljenjem Ministarstva obrazovanja i nauke TK broj: D-10/1-34-032989-1/22 od 19.12.2022. godine. U toku diskusije je konstatovano da je potrebno dopuniti obrazloženje prijedloga u odnosu na izmjenju koja se odnosi na elektronsku prijavu ispita. Cjelovito obrazloženje bi se dostavilo elektronski svim članovima Upravnog odbora na znanje i potvrdu. Nakon obavljene rasprave Upravni odbor je jednoglasno utvrdio prijedlog

ODLUKE

o izmjeni i dopuni Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/23. godine

Član 1.

U članu 8. Odluke o iznosu participacije i školarine u troškovima sva tri ciklusa studija na fakultetima/Akademiji Univerziteta u Tuzli počev od akademske 2022/2023. godine broj: 04-3305-1-1/22 od 15.06.2022. godine i broj: 04-4799-1-2/22 od 13.09.2022. godine stav (1) mijenja se i glasi: „(1) Student prvog i integriranog prvog i drugog ciklusa studija Univerziteta (državljanin BiH, strani državljanin i lice bez državljanstva), kao i student u statusu apsolventa prilikom upisa u akademsku godinu plaća premiju osiguranja u iznosu od 3,70 KM (tri i 70/100 konvertibilnih maraka) za akademsku godinu.

Iza stava (1) dodaje se novi stav (2) koji glasi:

„(2) Studentima iz stava 1. ovog člana koji su prilikom upisa u odgovarajuću godinu studija u akademskoj 2022/23. godini uplatili premiju osiguranja u iznosu od 4,00 KM, više uplaćeni iznos od 0,30 KM će se uračunati u participaciju/školarinu za ljetni semestar tekuće akademske godine“.

Dosadašnji stav (2) koji postaje stav (3) mijenja se i glasi:

„(3) Student prvog i integrisanog prvog i drugog ciklusa studija, osim studenta apsolventa i studenta imatrikulanta, plaća naknadu za elektronsku prijavu ispita u iznosu od 7,50 KM za akademsku, godinu prilikom upisa u narednu ili obnovu studijske godine“.

Dosadašnji stavovi 3, 4 i 5. postaju stavovi 4,5 i 6.

Član 2.

Ova Odluka će se primjenjivati počev od akademske 2022/23. godine.

TAČKA 4.

Razmatranje Zahtjeva Generalnog sekretara Univerziteta za pristup informacija broj:04-7275-1 od 28.12.2022. godine.

Uvodne napomene je dao Predsjednik Upravnog odbora prof. dr. Semir Ahmetbegović, te pročitao Zahtjev Generalnog sekretara.

U toku rasprave, Generalni sekretar Jasmina Berbić, dipl. pravnik je dodatno obrazložila razloge zbog kojih traži zapisnike i tonske zapise sa sjednica koje je u Zahtjevu precizirala. Upravni odbor je zaključio da Generalni sekretar ima pravo da bude informisan o radu upravnog odbora, ali da su razlozi zbog kojih traži tonske zapise sa sjednica neosnovani, nakon čega je Upravni odbor jednoglasno donio

ODLUKU

I.

Djelimično se usvaja Zahtjev Generalnog sekretara Univerziteta u Tuzli Jasmine Berbić, dipl. pravnika za pristup informacija broj: 04-7275-1 od 28.12.2022. godine.

Imenovanoj će se dostaviti fotokopija potpisanih i ovjerenih zapisnika sa sjednica Upravnog odbora i to:

- vanredne sjednice održane dana 30.09.2022. godine,
- vanredne sjednice održane dana 13.10.2022. godine,
- redovne sjednice održane dana 31.10. i nastavka od 02.11.2022. godine,
- vanredne sjednice održane dana 14.11.2022. godine,
- vanredne sjednice održane dana 24.11.2022.godine.

II.

U dijelu koji se odnosi na dostavljanje tonskih zapisa sa sjednica iz tačke I. ove Odluke, zahtjev se odbija kao neosnovan

O b r a z l o ž e n j e

Generalni sekretar Univerziteta u Tuzli Jasmina Berbić, dipl. pravnik, podnijela je Upravnom odboru Zahtjev za pristup informacija broj: 04-7275-1 od 28.12.2022. godine -potpisanim zapisnicima i tonskim zapisima sa sjednica upravnog odbora i to: vanredne sjednice održane dana 30.09.2022. godine, vanredne sjednice održane dana 13.10.2022. godine,redovne sjednice održane dana 31.10. i nastavka od 02.11.2022. godine,vanredne sjednice održane dana 14.11.2022. godine i vanredne sjednice održane dana 24.11.2022. godine.

U zahtjevu navodi da nakon uvida u sadržaj prijedloga Zapisnika sa više održanih sjednica Upravnog odbora, dostavljenih uz poziv po tački 1. prijedloga dnevnog reda za sjednicu Upravnog odbora zakazanu za srijedu, 28.12.2022. godine traži da joj se učine dostupnim tonski zapisi sa navedenih sjednica koji su joj neophodni iz razloga što zapisnici ne odražavaju stvarnu i potpunu raspravu na istima niti u odnosu na dostavljenu materijalnu dokumentaciju, te posebno što ne sadrže njene diskusije na sjednicama kojima je prisustvovala u svojstvu pozvanog i ovlaštenog lica.

Nadalje, u zahtjevu navodi da su joj tonski zapisi potrebni i zbog činjenice da je od kolegice Šejle Fazlić dana 27.12.2022. godine obaviještena da joj je neki od članova Upravnog odbora Univerziteta

(čije ime nije otkrila) prenio da, kako precizira: "da sam na sjednici Upravnog odbora njoj stavila na teret donošenje nezakonite Odluke Upravnog odbora o mom izboru i imenovanju za Generalnog sekretara od 30.11.2021. godine, a što je kontradiktorno svim provedenim postupcima, te što te navode ne sadrže sačinjeni Zapisnici sa sjednica".

Upravni odbor je na sjednici od 11.01.2023. godine razmotrio Zahtjev i utvrdio da Generalni sekretar Univerziteta ima pravo biti upoznat sa zapisnicima Upravnog odbora Univerziteta te dostupnošću istih. Iz tih razloga Upravni odbor je odlučio kao u tački I. ove Odluke.

Upravni odbor cijeni da razlozi zbog kojih imenovana traži dostupnost tonskih zapisa sa sjednica nisu opravdani zbog čega je Zahtjev u ovom dijelu odbio.

Nakon što su pitanja po tačkama dnevnog reda iscrpljena, predsjednik Upravnog odbora je zaključio sjednicu u 16 sati i 30 minuta.

ZAPISNIK SAČINIO

Ahmo Muhić, dipl.pravnik

UNIVERZITET U TUZLI

Broj: 04-125-1/23

Tuzla, 11.01.2023.godine

PREDSJEDNIK
UPRAVNOG ODBORA

dr. sc. Semir Ahmetbegović, vanr.prof.